



### 电音浪漫

吴东濠年纪虽细,但野心好大,细细个就中意音乐嘅佢,对音乐怀有坚定不移嘅初心。睇广州土生土长嘅佢,21岁嗰年参加“放飞梦想”全国艺术人才选拔大赛,获得咗广东赛区金奖嘅好成绩。之后,东濠不断努力实践,前前后后花咗三个月时间打磨,终于喺今年年初,推出自己嘅首只原创国语单曲《浪了一点漫》。但嘅传统R&B曲风中,加入咗电子同埋swing嘅元素,令作品增添咗迷幻色彩。作品中更创新地插入西班牙语rap,令到歌词所描绘嘅若即若离关系更加细腻。MV中佢仲变换多款造型,演技派“酒保”呆萌暖心,舞功超人嘅dancer则魅力四射,向大家展示佢嘅多面向。细细品味《浪了一点漫》,大家能聆听到佢独特嗓音中,不一样嘅浪漫。

## 乐坛新星报到! 个个係潜力股

兔年第一波乐坛新星,嚟报到啦! 有玩浪漫电音嘅单眼皮小哥,有sweet到漏嘅全能萌妹,更有虚拟世界首支twins音乐组合,但咁个个都多才多艺,用个性旋律带大家嘅耳仔去旅行,唔知边款会係你pick嘅“潜力股”嘅?

郭玮/文  
经纪公司提供/图



### 全甜宝藏

拥有软萌外表嘅甜甜,却藏住无比强大嘅能力! 演员、模特、歌手都係佢嘅身份,唱歌俱佳嘅佢曾经係女团成员,用“宝藏女孩”嚟定义佢,真係一啲都不为过。甜甜甜嘅食玩爱笑,让首次接触佢嘅人都会被佢外表甜到;而进一步了解佢,大家亦会被佢坚持不懈追梦之心感动。但嘅座右铭係“脚踏实地”,要求自己跳出舒适圈,keep住向前走。最近,甜甜正在筹备自己嘅个人原创单曲,人生本来就不应设限,有梦女孩的未来尤为可期。唔知呢位咁宝藏嘅追梦女孩有冇touch到你㗎。



### 猫生twins

近年虚拟偶像越来越heat,twins组合有得得天独厚嘅话题优势,新twins音乐组合C-kiz结合两个“大热”,唔知大家又like唔like咧? 据介绍,佢俩嘅诞生纯属意外,宠物猫出手帮突然“宕机”嘅程序员完成咗代码,于是一对性格迥异嘅虚拟姊妹花就此面世。性格文静嘅姐姐“方洛”爱传统文化,鬼马好动嘅妹妹“方洛”中意四围探店,而音乐就係两姊妹嘅共同爱好。但佢俩所有后生仔女一样,贪靓爱玩、中意甜食,得闲仲会去“潮到风湿”嘅东山口打卡影相添。今年春节,姐姐“方洛”登上广州台元宵特别档《锦绣湾区一家亲》的舞台,与本土歌手阿细共同演绎咗歌曲《细界》,造就咗广州台首个真人搭档虚拟偶像嘅演唱节目。初次探索现实世界,C-kiz有啲小心翼翼,相信不断尝试、慢慢成长之后,佢俩会有更多惊喜俾大家。



万物复苏的春日,好唔谈情说爱! 有冇一个人,让你一见到佢就唔唔唔? 被人抄牌未必係坏事? 情侣分手、复合关个煲乜事? 睇粤语入面,拍拖原来咁多花臣,柴米油盐都尽化做浪漫甜蜜,想要脱单嘅同学,快啲嚟学习!

陈祉伶/文 图  
钟旭彤、夏恒恒/摄

## 开春sweet, 粤来粤爱



### 搭糖

dab1 tong4

粤语中的“搭”,可以指用舌尖尝味道时,舌头与上颚接触发声的动作,也可指食嘢时发出嘅咁咁声。“搭糖”本意指嘴里含着糖果,后引申为“心里美滋滋”嘅意思,通常用于形容见到心仪对象嗰阵,满心欢喜嘅样好似食咗糖果咁甜蜜。粤语中形容春心萌动,仲有好多趣鬼嘅讲法可以,例如“起痴”“生滋猫入眼”“十月芥菜——起心”等。

造句:但见亲你咁搭糖咁,肯定係钟意你㗎。



### 抄牌

cao1 pai4

“抄牌”呢个讲法,本意指警察对违章车辆作登记处理时,会用一个纸笔记录下车牌等相关信息。而延伸的含义,就指某人主动向异性要联系方式,因为用纸笔记下对方电话号码嘅动作,同警察抄牌好相似。到咗今时今日,男女抄牌的方式都up-grade咗啦,唔使用纸同笔,打开微信扫码加好友就咁。

造句:你想识女仔,主动嚟去抄个牌先啦,唔係点有“然后”啊?



### 呷干醋

hab3 gon1 cou3

粤语中嘅“呷醋”,一般指男女关系上的忌妒情绪,“呷干醋”则比前者更带诙谐意味,亦有无根据地猜忌的意思。对于呢句俗语嘅出处,如今已经比较难考究到权威的讲法,不过醋嘅酸味,同忌妒情绪产生的酸涩感类似,用起身都几生动形象噃。如今,“呷醋”一词往往不局限于用在两性关系中,亲密的朋友、家人之间都可以用嘅。

造句:对我嚟讲,闺蜜一样好重要,你做男朋友嘅就咁乱咁呷干醋啦!



### 箍煲

ku1 bou1

在广府人嘅观念中,两个人一旦结合就应该“同捞同煲”。“捉煲”就係指将个煲丢远或打烂,形容夫妻或情侣之间感情破裂,决定分手。旧手工艺制作的砂锅容易开裂,一般会用铁线把裂砂锅紧紧地箍扎起来,使裂缝变小,再用蛋清或米浆涂抹裂缝,火烧后即可继续使用。所以大家又用“箍煲”比如夫妻或情侣之间,采取措施修复已有裂痕嘅关系。

造句:道歉都咁有诚意,想成功箍煲都几难咯。



### 撑台脚

cang3 toi4 g ê g3

“撑台脚”係指两个人,尤指夫妻或恋人亲昵地同台共餐。呢个讲法源于情侣面对面吃饭时,双方对脚在台下,都要甜蜜地“依偎”在一起嘅暧昧小动作,係夫妻或情侣秀恩爱嘅经典方式。到了现在的实际使用中,呢个词也泛指二人用餐,可用于朋友、家人之间,不一定有暧昧的含义。

造句:扮到鬼火咁靓,一落班就急急脚走人,係咪赶住去同人撑台脚啊?



### 电灯衫挂老鼠箱

din6 deng1 cam3  
gua3 lou5 xu2 sêng1

以前嘅电灯柱多数用杉木造,所以会被叫做“电灯衫”,而旧时卫生条件唔多好,为清除鼠害,街道会在电灯衫上挂装有消毒药水嘅“老鼠箱”,用于收集死老鼠,以免造成卫生隐患和疾病传染。“电灯衫挂老鼠箱”呢种当时司空见惯嘅现象,后来被大家用嚟比喻一高一矮嘅情侣。过去,唔少人会觉得高矮悬殊係唔登对,如今,则有好朋友仔钟意呢种“最萌身高差”。

造句:但咁两公婆真得意,好似电灯衫挂老鼠箱咁,一高一矮。